

Cyngor Cymuned Llanystumdwy

Rhaglen waith y Cyngor - nos Iau, 3ydd o Dachwedd 2022 yn brydlon am 7:30 y.h. yn Ystafell Myrddin, Neuadd Chwilog, a drwy Zoom (a gellir cael mynediad i'r cyfarfod drwy gysylltu ar ebost gyda'r Clerc).

1. Ymddiheuriadau.

2. Cyflwyno a chadarnhau cofnodion cyfarfod y Cyngor gynhaliwyd ar 6ed o Hydref 2022.

3. Llofnodi cadarnhâd taliadau BACS Hydref 2022 (bydd y Clerc wedi trefnu i'r Cadeirydd ei gweld o flaen y cyfarfod).

4. Datgan buddiant personol.

5. Materion gan Un Llais Cymru

Y Pecyn Cymorth Cyllid a Llywodraethu ar gyfer Cyngorau Cymuned a Thref - yn son fod angen gwneud Adroddiadau Blynyddol, Cynllun Hyfforddi, Datganiad Llywodraethu Blynyddol, Pwr Cymhwysedd cyffredinol.

Mae angen trefnu dyddiad ag amser i gynnal cyfarfod i drafod rhain a'r polisiau sydd ar ein gwefan cyn y cyfarfod nesaf. Y Clerc wedi gwneud drafft o Adroddiad Blynyddol am y cyfnod rhwng 01.04.2021-31.03.2022 i'w roi ar ein gwefan, a chynllun hyfforddi ac angen ei awdurdodi.

6. Cynllun Peilot ardal Dwyfor - cais gan Catrin Huws, Uwch Swyddog Galluogi Tai Cymunedol, Grwp Cynefin, mewn partneriaeth hefo Cyngor Gwynedd, Llywodraeth Cymru, Parc Cenedlaethol Eryri, Hwyluswyr Tai Gwledig a Tai Teg eisiau cychwyn sgwrs ac egluro'r rôl a phwrpas y cynllun. Eisiau adnabod beth yw anghenion tai cymunedau Dwyfor, a chael gwell dealltwriaeth o'r sefyllfa dai yn ein cymuned. Y Clerc wedi gofyn wrthynt ddod i'n cyfarfod ar 01.12.2022 yn hytrach na mis Tachwedd.

7. Ymgynghoriad statudol cynyddu capasiti Ysgol Chwilog

Yn dilyn penderfyniad Cabinet Cyngor Gwynedd ar 19 Gorffennaf 2022 i ymgymryd â phroses statudol ar y cynnig i gynyddu capasiti Ysgol Chwilog i 95 ar 1 Medi 2023, yn unol â gofynion adran 48 o Ddeddf Safonau a Threfniadaeth Ysgolion (Cymru) 2013, byddant yn cynnal ymgynghoriad statudol ar y cynnig rhwng **19 Hydref 2022 a 30 Tachwedd 2022.**

Mae'r ddogfen ymgynghori statudol a'r holl ddogfennau perthnasol ar gael ar wefan Cyngor Gwynedd.

8. Hwb Iechyd Eifionydd - cais gan Cyngor Cymuned Dolbemnaen, i'r cyngorau cyfagos ddod at ei gilydd a chydweithio ar y mater, sef fod "trefniadau cyswllt yr Hwb yn parhau i fod yn sal ac yn anerbyniol a bod pryder mawr parthed diffyg meddygon ar gyfnodau.

9. Un Llais Cymru a Chymdeithas Clercod Cyngorau Lleol (SLCC) yn trefnu digwyddiad ar y cyd a gynhelir trwy gyswllt o bell ar 9 Tachwedd 2022. Mae'r digwyddiad yn un pwysig i gyngorau gan ei fod yn edrych ar feysydd allweddol megis newid hinsawdd, diweddarau y cyngor yn ddigidol, bioamrywiaeth a dyletswydd Adran 6, y pecyn cyllid a llywodraethiant newydd, cynlluniau bro a phwysigrwydd hyfforddiant a datblygu. Bydd nifer o siaradwyr o wahanol sectorau yn siarad yno.

Cost y digwyddiad yw £45.00, ac mae'n agored i gynghorwyr yn ogystal â chlercod.

10. Materion gan Cyngor Gwynedd

Rhaglen waith trafndiaeth a priffyrdd mis Tachwedd 2022

Lleoliad Gwaith	Disgrifiad o'r Gwaith	Gwasanaeth
Madryn, Chwilog	Gwaith ar y coblau	Priffyrdd

11. Cyngor Gwynedd - ceisiadau cynllunio yn y gymuned

a) Rhif cais: C22/0563/41/DT - Bron Haul, 5 - 6 Pen Y Groes, Chwilog, Pwllheli.

Estyniad deulawr cefn a gosod 2 ffenestr gromen blaen.

b) Rhif cais: C22/0968/41/DT - Rynys, Llanarmon, Pwllheli, Gwynedd, LL53 6PT

Gosod 2 res o baneli solar ffotofoltaidd o fewn cwrtil ar gyfer defnydd domestig.

12. Y Lon Goed -gorchymyn diwygio map swyddogol o dan adran 53, Deddf Bywyd Gwylt a Chefn Gwlad 1981- cais wedi cael ei osod ar ddarn o'r Lon Goed, gan y Gymdeithas Ceffylau Prydeinig.

- Maent wedi gofyn am gael cofrestru cilffordd cyfyngedig rhwng pwyntiau C-D ar y Map a Datganiad Swyddogol (MDS), oherwydd nid oes statws cyhoeddus i'r rhan yma ar hyn o bryd, ac
- eisiau uwchraddio'r llwybr troed presennol (rhif 70A) rhwng C ac E i gilffordd gyfyngedig.

Mae pwynt rhwng C - D sef darn o lon breifat (sydd ddim yn lwybr cyhoeddus nac yn ddarn o'r Lon Goed) o'r lon fawr ger Plas Hen hyd at y Lon Goed i gyfeiriad Beudy Newydd, at y darn rhwng C i E, sef sef heibio Gaerwen i gyfeiriad Coed Cae Du.

Byddai hyn yn ei galluogi wedyn i farchogaeth ceffylau ar hyd y darn yma o'r Lon Goed.

Gwneir y cais ar y sail fod yr ymgeisydd yn credu fod tystiolaeth ddogfennol yn dangos fod cilffordd gyfyngedig yn bodoli rhwng pwyntiau D-C-E.

Mae cilffordd gyfyngedig yn fath o hawl tramwy sy'n caniatáu mynediad cyhoeddus naill ai ar droed, beicio, marchogaeth neu arwain cheffyl, neu gyda cheffyl a throl.

Fe drafodwyd y mater yma mewn cyfarfod o'r Cyngor Cymuned ar 06.01.2022, ac ar y pryd penderfynwyd gwrthod y cais,

"ar y sail fod nifer o bobl, plant, ysgolion, a chwn yn cerdded ar hyd y Lon yn gyson drwy'r flwyddyn. Byddai cael ceffylau yn mynd ar hyd y Lon felly'n creu perygl i gerddwyr. Mae hefyd ceir y trigolion sydd yn byw ar hyd y rhan yma o'r Lon Goed, yn ogystal a pheirianau a thractorau yn teithio arni'n gyson. Yn ogystal a hyn mae darnau gwlyb ar hyd y darn yma o'r Lon, a byddai ceffylau'n gwneud y sefyllfa'n llawer gwaeth".

Mae Cyngor Gwynedd eisiau ymateb, gyda chymaint o wybodaeth cefndir ag sydd bosib, erbyn 09.12.2022. Maent hefyd wedi anfon llawer o wybodaeth at y Clerc drwy'r post (hen fapiau ac yn y blaen), a byddant ar gael i'w gweld o 19:00 ymlaen yn y neuadd cyn y cyfarfod nos Iau 03.11.2022, neu mae croeso unrhyw un gysylltu hefo'r Clerc o flaen y cyfarfod i'w gweld.

Materion yn y gymuned.

13. Llanystumdwy

Maen y Wern - y Clerc wedi derbyn 3 pris i dorri'r goeden dderw oedd wedi marw ar dir y Cyngor Cymuned ger y Bedd. Fe wnaeth y Clerc anfon e-bost hefo'r prisiau i gyd at y Cyngorwyr a penderfynwyd gofyn wrth Mr Richard Pearson wneud y gwaith. Fe dorwyd y goeden ar 20.10.2022, gan adael y coed yn y lleoliad, fel bod criw o Lanystumdwy yn ei symud, ond yn anffodus roedd rhywun wedi mynd a nhw erbyn y pnewn dilynol.

14. Rhoslan/Ynys

Diffibriliwr yn Rhoslan a Chapel y Beirdd - y trydanwr wedi gosod y ddau gabinet. Mae'r Clerc wedi cysylltu hefo Gwasanaeth Ambiwlans Cymru er mwyn iddynt ddanfoni y 2 diffibriliwr atom. Y Clerc hefyd wedi bod mewn sesiwn hyfforddiant (am ddim) 'CPR' a defnyddio diffibriliwr yn Nghanolfan Hamdden Glaslyn.

- Mae Mr Bryn a Bethan Jones, Llwyn yr Eryr, Ynys wedi cytuno i fod yn brif warchgeidwaid ar gyfer yr un yn Capel y Beirdd, a Mr a Mrs Gareth Richards ar gyfer yr un yn Rhoslan.
- Wedyn bydd angen trefnu sesiynau ymwybyddiaeth sgiliau CPR/ diffibrilio ar gyfer unigolion sy'n ymwneud â'r sefydliad/grwp. Manylion cyswllt ar <https://llyw.cymru/achub-bywyd-cymru>
- Ar ol derbyn y 2 diffib bydd angen ei cofrestru ar 'Y Circuit' ar www.thecircuit.uk gan nodi y gwarchgeidwad sydd wedi ei enwebu. Bydd yna angen danfon yr ebost sy'n cadarnhau fod hyn wedi ei wneud at achubbywydcymru@wales.nhs.uk

15. Chwilog

Uwchraddio Cae Chwarae Chwilog

Y Cyngorydd Rhys Tudur wedi trefnu cyfarfod hefo criw o rieni'r ysgol i drafod y bwriad o sefydlu pwyllgor yn y pentref i uwchraddio'r cae, ar **nos Iau 10.11.2022 am 7:30 y.h.** Gobeithio gall nifer o gynghorwyr fod yn bresennol.

16. **Diffibriliwr Chwilog** - mae'r Clerc wedi gwneud ymholiadau i gael grant i brynu diffibriliwr arall yn y pentref oherwydd fod y pentref yn cynyddu.

17. Pencaenwydd/Sardis

18. Llangybi

19. Materion Ariannol

Adroddiad Ariannol gan y Clerc a'r Swyddog Ariannol Cyfrifol.

Bydd y Clerc yn anfon ebost at y cynghorwyr i gyd cyn y cyfarfod, drwy gynnwys dogfen 'excel' o'r sefyllfa ariannol hyd at 03.11.2022. Mae hyn yn cadw golwg manwl ar y gwariant sydd eisioes wedi ei wneud. (Bydd y Clerc yn trefnu i ddangos y biliau i gyd i'r Cadeirydd i'w llofnodi a'i awdurdodi o flaen y cyfarfod cyn ei talu).

20. **Cyfarfod Cyllid/Busnes** - a gynhaliwyd 06.10.2022. Bydd y cofnodion yn cael ei anfon at bawb cyn y cyfarfod yma.

21. **Elusen William Ellis** - angen rhoi hysbyseb yn Y Ffynnon ac ar yr hysbysfwrdd yn Lanystumdwy fis Tachwedd, hefo dyddiad cau i dderbyn cais am arian erbyn 28.11.2022. Bydd y ceisiadau yn cael ei trafod yn dilyn y prif gyfarfod nesaf ar 01.12.2022

22. **Hysbyseb ceisiadau am Gymorth Ariannol** gan fudiadau o fewn dalgylch y Cyngor. Bydd angen ei roi yn rhifyn Tachwedd a Rhagfyr 2022 o'r Ffynnon, ac ar yr hysbysfyrdau gyda dyddiad cau 15.01.2023.

23. **Enwau pontydd**

Angen penderfyniad i archebu'r 9 enw pont isod gan Llechi'r Ddraig.

- **Pont y Felin** (sef Pont Melin Plas Du)
- **Pont Gaerddu Bach**
- **Pont Ffridd Lwyd** (Pont Afonwen) ar y briffordd
- **Pont Llanystumdwy**
- **Pont Rhydygwystl**
- **Pont y Felin, Chwilog**
- **Pont yr Inn, Chwilog**-(byddai Garej Pandy ger hon cyn symud i Benygroes, Llanystumdwy)
- **Pont Ty'n Gors**, ger Ty'n Gors, Llanarmon
- **Pont Glandwr** (Stesion Llanybi)

24. **Cof Eifionydd** - Cynghorydd Rhys Tudur am drefnu cyfarfod, fel bod pwyllgor yn cael ei sefydlu, a dewis technegydd i wneud y wefan. Derbyniwyd gwybodaeth mai mewn ffurf PDF y mae'r holl gryno ddisgiau sydd gan Y Ffynnon hyd at 2013, ac felly nid yw'n bosib archwilio am eiriau penodol, oni bai fod rhywun yn rhestru mynegai. Ers 2013, mae'r wybodaeth yn ddigidol wedyn. **Angen dewis dyddiad ar gyfer cynnal cyfarfod.**

25. **Taliadau** BACS angen cael ei gwneud yn dilyn y cyfarfod:

Enw/Rheswm	Rheswm	Pris £	TAW	Cyfanswm Taliad £	Taliad BACS £
Cyngor Gwynedd (007950B0076648W)	Toiledau Cyhoeddus Llanystumdwy	<u>2000.00</u>		<u>2000.00</u>	<u>2000.00</u>
Mr Rhys Jones	Cae Chwarae Llanybi	<u>650.00</u>		<u>650.00</u>	<u>650.00</u>
Gwasanaethau Coed Pearson & Co. (2065)	Torri coeden dderw Llanystumdwy	<u>300.00</u>	<u>60.00</u>	<u>360.00</u>	<u>360.00</u>
Clifford Hughes (67)	Traeth Afonwen Ynysgain Bach Tý Newydd Bontfechan- Ty'n Morfa Maenywern, Llanystumdwy	<u>120.00</u> <u>100.00</u> <u>110.00</u> <u>125.00</u> <u>106.00</u>		<u>561.00</u>	<u>561.00</u>

26. Cyflog mis Hydref 2022 y Clerc i'w rannu rhwng y Clerc a Chyllid a Thollau EM.

Enw/Rheswm	Swm £	Cyfanswm Taliad net £	Taliad BACS:- £
Cyflog sylfaenol y Clerc, Hydref 2022 35 awr y mis x £11.50 = £402.50 a 12 awr ychwanegol £138.00 am wneud Adroddiad blynyddol (8 awr) a Chynllun Hyfforddiant(4 awr)	402.50 + 138.00 = 541.00 Llai treth £108.20= <u>£432.30</u>	<u>432.300</u>	<u>432.30</u>
Cyllid a Thollau EM Treth ar enillion y Clerc Hydref 2022	541.000 x 20% = <u>£108.20</u>	<u>108.20</u>	<u>108.20</u>
Costau Clerc mis Hydref 2022	<u>£16.00</u>	<u>16.00</u>	<u>16.00</u>

Bydd angen penderfynu os mai ar y nos Iau **01.12.2022** fydd y cyfarfod nesaf.

It is possible to get an English translation of any minute, please contact the Clerk.